

PURTEDDA DA GINESTRA

Nta lu chianu da Purtedda
chiusa a 'mmenzu a dui muntagni
c'è na petra supra l'erba
pi ricordu a li cumpagni

Giulianu lu sapia
ch'era la festa di li poviri
'na jurnata china i sulì
doppu tantu tempu a chioviri.

Ogni asta di bannerera
era zappa frazza e manu
e la terra siminata
era furnu pani e granu.

A tappitu e a vintagghiu
mitragghiavanu la genti
comu fauci ca metinu
cu li vampi 'ntra li denti.

Supra i petri e supra u sangu
ammazzati a tradimentu
tanti poviri sutta o fangu
e firuti chiù di centu.

Cu ddu jornu fu a Purtedda
e ci va doppu tant'anni
vidi morti in carni ed ossa
testa, facci, corpu e jammi.

E di tannu finu a ora
a Purtedda da Ginestra
quannu veni u primu maggiu
c'è u populu e fa festa.

Cu ballava, cu cantava,
cu accurdava li canzuni
e li tavuli cunzati
Di nuciddi e di turruni.

Di lu munti la Pizzuta
di l'altura chiù vicina
Giulianu e la so' banda
Scatinò a carneficina.

Arristaru a 'mmenzu o sangu
e 'ntra l'erba di lu chianu
tanti morti puvireddi
Chi vulevanu un munnu umanu.

U pueta di ddu jornu
era Japicu Schirò
dissi : Viva u primu Maggiu!
E la lingua ci siccò.

Vivi ancora! Ancora vivi
e 'na vuci 'ncelu e 'nterra
e 'na vuci 'ncelu e 'nterra
Oh Giustizia quannu arrivi ?